

四庫全書

集部

欽定四庫全書

御定歷代題畫詩類卷四十七目錄

閒適類

松雪翁桐陰高士圖 元鄧文原

題秋林高士圖 元郊韶

題趙千里高士圖 元鄭東

題高士圖 元龔開

題高士圖 元周馳二首

題高士圖 元陸文圭

題高士圖 元倪瓚

和華以愚韻兼題所畫春山高士圖 元倪瓚

題林亭高士圖 元陶宗儀

趙海寧長松高士圖 元陶宗儀

題畫抱琴高士 元陶宗儀

題畫停舟高士 元陶宗儀

題梅鶴高士圖 元陶宗儀

松石高士圖 元張天英

林泉高士圖 元張雨

題秋林高士圖 明高啟

竹林高士圖 明高啟

馬遠古松高士圖 明吳寬

湖亭高士圖 明吳寬

秋林高士圖 明王彝

桐陰高士圖 明李日華

松下幽人圖

元元好問

幽人圖

元劉因二首

次韻子瞻子由題憩寂圖

宋黃庭堅二首

趙仲穆畫看雲圖

元顧瑛

趙仲穆畫看雲圖

元吳毅

趙仲穆畫看雲圖

元張憲

題趙仲穆看雲圖

明僧元璞

野老看雲圖

元劉永之

題秋谷耕雲圖

元馬祖常

題倪元鎮耕雲圖

明宋濂

避暑圖

元黃潛

竹深避暑圖

元陶宗儀

避暑圖

元張雨

二老雪行圖

金李獻能二首

二老雪行圖

元李濟

雪谷早行圖

元元好問

雪谷曉行圖

元袁桷

謝處士載月圖

元劉因

溪橋步月圖

元劉因

題東山玩月圖

元黃庚

題秋江月夜摘阮圖

元王惲二首

王梅叟溪山對月圖

元程鉅夫

題顧秀才所藏舟中看月圖

元成廷珪

題李公畧示高郎中吳山觀月圖

元仇遠

題萬歲山翫月圖 元丁鶴年

江貫道清江汎月圖 明謝應芳

觀瀑布圖 宋劉宰

李咸熙山人觀瀑圖 元黃公望

題劉堯輔觀瀑圖 元丁復

題傅商翁觀松瀑圖 元劉永之

題觀瀑圖 元陶宗儀

題清暑觀瀑圖 元陶宗儀

觀瀑圖

明陳顥

李咸熙仙客臨流圖

元黃公望

題秋林瞰泉圖

明周敘

觀泉圖

明李東陽

御定歷代題畫詩類卷四十七目錄

欽定四庫全書

御定歷代題畫詩類卷四十七

閒適類

松雪翁桐陰高士圖

元 鄧文原

玉立桐陰十畝蒼
託根何必在朝陽
迎風簌簌秋聲早
灑雨陰陰月色涼
勝事只消琴在膝
野情聊倚石為牀
高人自得坡頭趣
不為花開引鳳皇

題秋林高士圖

元 郊 韶

山磴坡陀細路平
石橋流水雨初生
絕憐童子驚秋色
聽得空林落葉聲

題趙千里高士圖

元 鄭 東

題詩日日樹陰傍
不斷清風灑石牀
騎馬出門塵似海
百年都只為官忙

題高士圖

元 龔 開

雪氣侵人臥欲僵
苦勞明府到藜牀
主賓問答皆情話
何用閒名入薦章

題高士圖

二首

元周馳

僵臥空齋儘耐寒
門前行路雪漫漫
投炎附熱非吾事
一任人將冷眼看

門巷蕭條雪已深
空齋展轉泥重衾
就令僵死亦閒事
可見世間君子心

題高士圖

元陸文圭

曉看嵩少玉嶙峋
枉駕應憐處士貧
令尹若能為保障
長衾盡覆洛陽人

題高士圖

元倪瓚

賜也貨殖憲也貧憲貧非病衣已鶡未若簞瓢顏氏子
陋巷所樂皆天真

和華以愚韻兼題所畫春山高士圖

元倪瓚

扁舟溪上數來過白髮殘春奈我何柳絮如煙迷曉浦
杏花飛雪點春波林扉有客圖丘壑石室何人帶女蘿
欲和華山高隱曲羈愁悽斷不成歌

題林亭高士圖

元 陶宗儀

巖壑衣冠逸士松篁琴酒閒亭坐看雲生遠岫一江春
水泠泠

趙海寧長松高士圖

元 陶宗儀

春雷喚起蒼龍蟄鱗甲蜿蜒雲氣溼道人長鑱劬茯苓
半天風雨山精泣

題畫抱琴高士

元 陶宗儀

重重綠樹護清溪欲覓知音路轉迷布襪青鞵吟未了

又隨野色過橋西

題畫停舟高士

元 陶宗儀

落落長林水一灣
綠陰多處白鷗閒
畏途塵滿無心踏
獨坐船頭看晚山

題梅鶴高士圖

元 陶宗儀

月鳴孤鶴唳前汀
一樹寒梅護石屏
香篆已消童子倦
道人猶對蕊珠經

松石高士圖

元 張天英

松樹連岡山石幽蕭然冠履白雲秋只愁畏壘無尸祝
不憚長年為爾留

林泉高士圖

元張雨

我本玄真老孫子意託綸釣相娛嬉浮玉山前一瓢酒
頗恨時無顏太師

題秋林高士圖

明高啓

二仲有玄賞相攜在中林遐景延迴步微言諧素襟天
秋谷響哀日暝川光陰風駛多委葉山空少歸禽逶遲

臨長岡迢遞指遠岑諒非羈離客詎用愁登臨

竹林高士圖

明高啓

竹深斜日在獨鶴見扉開誰顧閒居者惟應二仲來

馬遠古松高士圖

明吳寬

寄傲天地間不為俗士知九衢紛車馬有足難並馳偶
來長松下時復一解頤手持白鶴羽萬事付一麾吾心
在太古身即太古時所以陶淵明羲皇不我欺須臾白
雲起青山變容姿即此見世故長歌返茅茨

湖亭高士圖

明 吳寬

百頃平湖望若空
游人如在水晶宮
日長對此消炎暑
高閣安能著病翁

秋林高士圖

明 王彝

嵐峰半殘陽彩翠
明林杪僧塢遠鐘微
歸人下山少風杉
落葉響驚起棲煙鳥
攜手願言旋前邨
月初皎

桐陰高士圖

明 李日華

水流碧梧間人坐
夕陽塢清意浸詩骨
清語不及吐仰

睇高雲中葉葉自起舞

松下幽人圖

元
元好問

秋風謾謾松樹枝仙人骨輕雲一絲不飲不食玉雪姿
竹宮月夕頻望祠竟不下視齋房芝人間好手乃得之
眼中擾擾昨暮兒畫圖獨在羲皇時予懷渺兮幽林思

幽人圖

元
劉因

無媒路逕草蕭蕭山鬼修篁路轉遙手撚幽香意何遠
為誰終日面空堯

澗響無心和考槃雲容有意近
長安野猿窺破中宵夢
却恐山靈不易瞞

次韻子瞻子由題憩寂圖

二首

宋

黃庭堅

松舍風雨石骨瘦
法窟寂寥僧定時
李侯有句不肯吐
淡墨寫出無聲詩

龍眠不似虎頭癡
筆妙天機可並時
蘇仙漱墨作蒼石
應解種花開此時

趙仲穆畫看雲圖

元

顧瑛

青山與浮雲終日淡相守山為雲窟宅雲為山戶牖無
心成白衣有意變蒼狗人情亦如雲寄語看雲叟

趙仲穆畫看雲圖

元 吳 毅

落日杖藜溪上行溪流十里帶松聲輞川詩意無人領
坐對南山雲氣生

趙仲穆畫看雲圖

元 張 憲

松頭自與峰巒黑雲景何如水意閒放下瘦筇成小憩
不妨坐對日銜山

題趙仲穆看雲圖

明僧元璞

舊遊清茗上愛看升峰雲稍將春雨度始見遠林分起
滅悟真理逍遙遺世紛於焉自怡悅永懷陶隱君

野老看雲圖

元劉永之

文湍激幽澗白雲流遠山偃仰長松下延眺一怡顏清
風拂素服瑤花落樹間拾薪青煙際煮苓供晚餐耽此
丘中賞竟日未言旋

題秋谷耕雲圖

元馬祖常

突兀秋雲不可耕
槎牙老樹半枯榮
上京玉署清涼境
閒伴鰲峰作弟兄

題倪元鎮耕雲圖

明 宋 濂

省院留黃鶴
耕雲種紫芝
天下書讀盡
人間事不知

避暑圖

元 黃 潛

一丘一壑古遺民
十里清風不屬人
閒對青山揮白羽
世間何處是紅塵

竹深避暑圖

元 陶宗儀

萬竹林中草縛菴溪聲隱隱隔雲嵐日長客去收經卷
一枕清風睡正酣

避暑圖

元張雨

雪藕冰盤斫鱸波光簾影帶風蒲蒼生病渴無人問
赤日黃埃盡畏途

二老雪行圖

二首

金李獻能

自笑膠膠擾擾身十年匹馬走紅塵何時雪滿平生履
太華峰前約故人

抱琴衝雪又衝風二老風流阿堵中未似邨翁眇抹眼
火爐頭上話年豐

二老雪行圖

元
李
漣

雪明萬仞鄴西山杖屨平生幾往還滿眼京塵空對畫
何時真似兩翁閒

雪谷早行圖

元
元
好問

雪擁雲橫下筆難爭教萬景入荒寒詩翁自有無聲句
畫裏憑君細覓看

雪谷曉行圖

元 袁 楠

過翼淒淒巖谷曠懷納納乾坤我欲相思命駕人猶高
臥局門

謝處士載月圖

元 劉 因

扁舟西子五湖過謝客西風兩鬢皤一種清風明月底
憑君試問夜如何

溪橋步月圖

元 劉 因

山中有幽人獨步溪橋月莫問興如何披圖亦清絕

題東山翫月圖

元 黃庚

斜陽紅盡暮雲碧一片天光涵水色
海濤擁出爛銀盤
千里嬋娟共今夕
主人領客登東山
踏碎寒光看秋液
星河倒影浸空明
露華溥玉夜氣清
馮夷激水水欲立
海若辟易天吳驚
孤舟卷帆泊煙嶼
古木撼壑生秋聲
憑高人在金鰲背
閒看潮生煙渚外
老龍翻海雲氣寒
長鯨卷雪浪花碎
茫茫萬頃滄浪中
屹立孤峰鎖蒼翠
山巔埽石羅尊壘
賓主傳杯不放杯
騷客掀髯賦詩去

山童踏月攜琴來劇談浩飲不知醉仰天長笑歡顏開
倒著接羅欲起舞乾坤清氣入肺腑天邊風月空四時
眼底江山自千古謝安躡屐遊東山袁安登舟宴牛渚
庾亮南樓今在否坡仙赤壁知何許滿眼往事轉頭空
千年人物俱塵土人生光景若湍流霜痕易點雙鬢秋
胸中勿著塵俗事著間休鎖名利愁我輩適意在行樂
古人所以秉燭遊月山追憶舊遊處盡寫風煙入綠素
我來見畫如見景想像高唐猶可賦諸君後會應可期

雲萍合散今何之安得扁舟漱川去日與杖屨相追隨
登山把酒醉明月共看此畫歌此詩

題秋江月夜摘阮圖

二首

元

王惲

玄壁朱絃激烈聞縱橫詞古得儀秦忘言何似陶元亮
直作羲皇向上人

易水悲風動急彈小絃鏗爾摘銅丸多應一片松梢月
併入茅亭作夜寒

王梅叟溪山對月圖

元

程鉅夫

明月照飛瀑倒瀉清溪曲溪上一株松亭中人似玉

題顧秀才所藏舟中看月圖

元
成廷珪

放船晚作南湖遊一葫蘆酒當船頭白雲翻衣紫霞帔
松風吹髮寒飈飈少焉月出影零亂散作百頃玻璃秋
有月復有酒不飲令人愁謫仙在何許空葬青山頭我
家草堂月更好何如返櫂歸來休歸來休癡人不飲月
亦羞素娥起舞我摘阮對飲何必論觥籌千載與月同
風流

題李公略示高郎中吳山觀月圖

元仇遠

憑高宜晚更宜秋下馬歸來即倚樓
納納乾坤雙老眼滔滔江漢一扁舟
滿城明月空吳苑隔岸青山認越州
李白酒豪高適筆當時人物總風流

題萬歲山翫月圖

元丁鶴年

金銀樓觀鬱嵯峨琪樹風涼秋漸多
徙倚危闌倍惆悵月中猶見舊山河

江貫道清江汎月圖

明謝應芳

吾聞老郭之傳許與江山水絕筆稱無雙此圖夜景江
所作彷彿秋聲動林壑長江澄澄月在水遠山蒼蒼樹
如蟻如此江山夜放舟若人真是逍遙遊爾來一百四
十載陵谷變遷圖畫在世無蘇李兩詩仙赤壁米石俱
蕭然老夫此興固不少解表亦足酤清醪出門有礙行
且休不如燒香看畫樓上頭

觀瀑布圖

宋
劉宰

仰觀山模糊俯視山歷歷見卑不見高此恨通今昔觀

者笑且言畫手非用力安知畫工心獨苦世上悠悠幾
人識君看白練飛杳不見來跡疑從九霄中直下恣噴
激六月天無風大暑鑠金石此景獨清涼飛雪灑石壁
此豈銀河翻餘派墮空碧抑豈龍門決洪波注八極方
知畫者心不止存目擊山上更有山去天不盈尺丹崖
與翠巘羣仙所游息煙雲不可到日星在几席甘露被
草木醴泉出巖隙流落人間者萬派祇餘瀝知畫豈予
能因畫重悽惻聖賢言外意未可紙上得所以說詩者

要在以意逆安得畫外觀山人共向書中探端的

李咸熙山人觀瀑圖

元黃公望

匡山過雨瀉飛流遙望香爐翠靄浮
試誦謫仙清俊句浩然天地與神遊

題劉堯輔觀瀑圖

元丁復

劉侯校書天祿閣向人輒作山水畫
長巒老樹翠蓋欹轉瀑崩崖練花瀉
玄冠白袍問子誰濠梁漆園避世者
京師塵起碧於雲炎州瘴來疾如射
揮毫定憶龍河上

挾書久睨匡廬下

題傅商翁觀松瀑圖

元
劉永之

山風蕭蕭畫寂壁長松落落倚絕壁紫煙乍留青巘中瀑
布迸落蒼厓石山中之人形骨清幅巾杖藜時獨行溪
回陡絕去無路坐撫瑤琴摹劒聲我亦平生慕真賞十
年悞落江湖上故山蕭條久不歸夜雨秋衾夢常往人
生適意無是非雲林久與幽人期九節預栽青竹杖明
朝試拂薜蘿衣

題觀瀑圖

元 陶宗儀

千峰紫翠插芙蓉上界招提有路通更向石橋觀瀑布
玉虹萬丈挂晴空

題清暑觀瀑圖

元 陶宗儀

隔岸林泉照眼清玉虹千丈掛空青松風謖謖涼如洗
一段匡廬九疊屏

觀瀑圖

明 陳顥

碧落無塵秋氣高白雲捲空如海濤山人避俗事幽討

眼明八極窮秋毫就中匡廬有佳色飛流倒瀉三千尺
初驚白虹飲澗泉又擬玉龍挂巖壁萬里長風吹不收
坐令毛骨寒颼颼漆園傲吏去已遠長庚仙人今在不
我生素志亦丘壑苦因筆硯相纏縛何當卜鄰如此圖
聽水看山一生樂

李咸熙仙客臨流圖

元黃公望

馳驅十載長安道立馬溪邊暫息機坐久竟忘歸路晚
半空飛沫濕絺衣

題秋林瞰泉圖

明周敘

草堂住在清溪上，雨歇秋林鬱森爽。
幽人無事日憑欄，俯瞰流泉愜心賞。
流泉百折穿翠微，涼波粼粼秋日輝。
飛空琮琤韻琴筑，濺石錯落翻珠璣。
幽人對此情怡懌，頓覺煩襟坐來息。
一聲何處歌滄浪，雲水蕭蕭動寒碧。

觀泉圖

明李東陽

空山落葉無人管，長林蒼蒼秋日短。
飛泉百尺墮空濛，下注寒潭作深淺。
淅瀝如同帶雨來，飄搖忽被風吹斷。

憶向山中初聽時乍近却疑身在遠幽尋僻探始得之
毛髮蕭騷不容綰鸚鵡江洲竟趯翻匡廬瀑布誰分剪
世間奇勝自有地應恨入山來已晚十年雙袂京塵滿
亦欲相從為一浣安得圖中二老翁芒屨竹杖長為伴

欽定四庫全書

御定歷代題畫詩類卷四十八目錄

閒適類

題耕雲徵士東軒讀易圖

元鄧文原三首

次雲林韻題耕雲東軒讀易圖

元吳鎮三首

題倪雲林贈耕雲東軒讀書圖

元黃公望

清溪道士點易圖

元吳師道

梅南道人讀易圖

元丁鶴年

春山讀書圖

明吳寬

秋澗著書圖

元王惲

周文矩勘書圖

元王惲

題騎牛讀書圖

元陳樵

山中讀書圖

元陳高

茅屋讀書圖

元劉永之

秋林讀書圖

元劉永之二首

林泉讀書圖

元王蒙二首

題趙廷采溪亭讀書圖

元陶宗儀

雲林讀書圖

元唐肅

題張元傑草堂讀書圖

元釋良琦

讀書圖

明張羽

野亭讀書圖

明徐賁

題雲深讀書處

明陳振

題作讀書圖與孫令弘

明李日華

題劉金吾牛山讀書圖

明董其昌二首

題王叔明野艇觀書圖

明吳寬

閱書圖

明丘濬

閱書者倚老樹

明徐渭

隨月圖

明高啓

映雪圖

明高啓

課讀圖

明張邦奇

題吳門趙時俊山樓文會圖

明陳顥

荆浩秋山問奇圖

元鄧文原

荆浩秋山問奇圖 元吳鎮

春山詩意圖 金趙秉文

題草亭詩意圖 元吳鎮

題詩意圖 元陶宗儀

詩思圖 明解縉

題王維詩意圖 明李東陽

題李平夫畫黃山蹇驢詩圖 金趙秉文二首

李咸熙秋溪清詠圖 元黃公望

題秋雨長吟圖

元楊載

題吳生雨吟圖

元范梈

題山堂會琴圖

元王惲二首

跋運使張君會琴圖

元王惲

山亭會琴圖

元余闕

手拍樺皮彈琴圖

金趙秉文

智仲可月下彈琴圖

元元好問

道士彈琴圖

元馬祖常

彈琴高士圖

明楊基

題馬遠山月彈琴圖

明王世貞

鼓琴圖

明劉泰

題操琴圖

明丘濬

玉堂鳴琴圖

明謝承譽

題攜琴訪友圖

明高啓

攜琴訪友圖

明謝常

攜琴圖

明陳憲章

題松下攜琴圖

明張邦奇

題戴進山水抱琴圖歌

明瞿汝稷

聽琴圖

元劉永之

聽琴圖

元楊維禎

聽琴圖

元張雨

聽琴圖

元周鼎

題聽琴圖

明唐錦

題梅琴圖

明廖道南

鳴琴召鶴圖

宋賀鑄

吳道子秋山放鶴圖

元吳鎮

馬遠放鶴圖

元吳鎮

倦書圖

元王惲

翰長閑閑公命題城南訪道圖

金王若虛二首

董源山閣談禪圖

元吳鎮

御定歷代題畫詩類卷四十八目錄

欽定四庫全書

御定歷代題畫詩類卷四十八

閒適類

題耕雲徵士東軒讀易圖

次韻
三首

元
鄧文原

衡門寂寂有儒風
相對高人笑語同
何必隔離沽取醉
新詩初就竹爐紅

槩几清疎無俗物
圖書雜沓有仙言
晚來靜倚南窗下
始識山林道味尊

悠然結屋對南山好鳥忘機自往還
昨夜天風吹月下黃金散布一林斑

次雲林韻題耕雲東軒讀易圖

次韻
三首

元吳鎮

山堂昨夜起秋風景物蕭條便不同
豈是天公嫌冷淡故將林木染黃紅

高人相對東軒下竟日曾無朝市言
幾卷圖書幾竿竹天香冉冉泛芳尊

雲林點筆染秋山
往道荆關今又還
別去相思無可記
開緘時見墨纖纖

題倪雲林贈耕雲東軒讀書圖

元黃公望

君家書屋鎖閒雲
庭前叢桂吹清芬
東軒虛敞坐良夜
撲簾香霧來紛紛
金吹不動露華潔
月裏仙人降瑤節
奇葩點綴黃金枝
靈種移來白銀闕
秋林瀟灑秋氣清
千竿修竹開前楹
自是燕山尚清貴
不與桃李爭芳榮
花下詩成日未盡
更喜幽人往來近
清絕何如元鎮圖
應

識耕雲是高隱

清溪道士點易圖

元
吳師道

圖像堙微久失傳或從方外得先天姓名不落人間世
亦有清溪點易仙

梅南道人讀易圖

元
丁鶴年

畫省歸來謝縉紳傍梅觀易最清真孤根下應先天氣
太極中含大地春傲睨乾坤雙老眼婆婆香影一吟身
歲寒莫問調羹事且作者英會裏人

春山讀易圖

為都元
敬題

明
吳寬

山中春雨過嘉樹如新沐鳥語時復間惟聞澗聲續對
此一欣然孤懷浩無欲便攜童冠人詠歸效沂浴歸來
亦何事妙意溢春服寤寐義文間手持一編讀惓惓濟
時心願言均發育

秋礪著書圖歌

贈畫工
張仁卿

元
王惲

引生寫出秋礪圖先生胡為此遊居知余讀書樂幽寂
況復野麋之性宜與水石俱西風蕭條秋氣餘浮雲身

世將何如江離託詠太哀怨老松卧壑甘扶疎逢時不
作棟梁用且須著論希潛夫盤盤澗曲深幾許長吞遠
汎知攸徂百川橫障使東往細大不擇羞潢汙考槃有
歌誰與伍山鳥山花吾友于張畫師王宰徒雲煙落紙
何舒徐吾今屏居日已久為我作此真良謨平生未嘗
學學焉於此初古人尚友無老壯要欲靜泊志可明而
遠可逾駸駸晚景幾桑榆不知此去靜泊得似畫中無
目明神王骨相臞一丘一壑著幼輿畢此一事為成書

此外何有於余乎此外何有於余乎

周文矩勘書圖

元王惲

宮槐陰合玉堂清書葉翻香入細聽內苑近來遊宴少
太平天子要傳經

題騎牛讀書圖

元陳樵

朝看書騎牛出去日上初暮看書騎牛歸來日欲晡朝
朝暮暮看書卷還慮牛飢無牧芻家貧本分辛勤過平
時敢望閒工夫人生衣食皆有餘棄之不學將何如

山中讀書圖

元陳高

遠山如藍近山綠前門蒼松後門竹幽人讀書棲石根
有客拏舟訪溪曲白雲冉冉落虛窗清風泠泠散飛瀑
林泉深處隔紅塵便欲相依結茅屋

茅屋讀書圖

元劉永之

峨峨蒼山白雲冒之靈液滲漉瀉為清漪帶我林薄環
我蓬茨春日載陽卉木華滋呦呦鹿鳴泛泛浮鷺叙此
幽獨理我琴冊嗟彼聖賢遺我今則顧瞻周道零露在

草駕言從之中心惻惻澗有蘭茝山有蕨薇逍遙卒歲
皓首為期

秋林讀書圖

為章光遠
賦二首

元
劉永之

疎雨稍侵竹輕颺已滿林山窗敞虛寂席戶映深沈
蛸或陟几蝸牛時觸琴酌酒磐石上把卷高梧陰披覽未
終帙繁思浩盈襟義農條已遠叔季遞荒淫懷哉魯連
子輕世有遐心願保金玉體遺以瑤華音行當拂塵服
就子碧山岑

離思方蕭索，況復暮秋餘。
哀蘭空委露，殘荷已委渠。
獨憶西風宴，還傷北澗居。
憂來繞庭樹，閒拈墜葉書。
霜露日淒淒，園林煙景變。
落日薄寒塘，斜日明秋甸。
陶尊湛清醕，瑤枕含幽怨。
寂寞西牕下，時間山鳥轉。

林泉讀書圖

元王蒙

虎鬪龍爭萬事休，五湖明月一扁舟。
綠簑衣上雪飈颭，雪月光中垂釣鉤。
釣得鱸魚春酒熟，仙娃酒酣嬌睡足。
彫胡炊飯斫鱸羹，一縷輕煙燃楚竹。
蓬窗曉對洞庭山。

七十二峰青似玉

林泉讀書圖

元王蒙

調古世寡和材疎自無羣種玉閔奇術還丹隱玄文披
裘負薪士拾金世所聞雖無箕潁節亦不慕高勲石田
長芝草暮春自耕耘曲肱抱耒耜長歌至日曛所樂良
在茲沒歲復何云

題趙廷采溪亭讀書圖

元陶宗儀

溪山高處構茅亭四面芙蓉朶朶青新水夜來添一尺

湘簾高捲畫橫經

雲林讀書圖

元唐肅

非緣輕世俗元自絕塵埃
林屋衣兼潤風牀書半開
琴聲常喚鶴展齒不傷苔
長日哦詩罷山雲當客來

題張元傑草堂讀書圖

元釋良琦

昨日雨晴歸碧山
桃花滿澗水潺潺
嵐光入壁圖書潤
草色侵帷枕席閒
莫問山靈嫌客至
偏憐松月待人還
張郎有志能遺世
白髮相期水竹間

讀書圖

明
張羽

幽棲出塵表，修翠連松竹。
袖得碧苔篇，閒來石上讀。
日暝欲忘還，山空人轉獨。

野亭讀書圖

明
徐賁

書聲流水共泠泠，落木寒山路隔汀。
不是秋來易傷感，夕陽風景似新亭。

題雲深讀書處

明
陳振

卜居靜愛鉢池山，山下雲深一徑閒。
萬卷圖書連几案。

九街車馬隔塵寰
茶煙暝出空濛表
燈火宵分杳靄間
有客問奇常載酒
林扉盡日不須關

題作讀書圖與孫令弘

明

李日華

拋却書編便看山
不教隻眼落塵寰
有時合眼還成夢
夢入天都校馬班

題劉金吾牛山讀書圖

二首

明

董其昌

青黎山館瞰澄江
左手離騷右玉缸
身作蠹魚遊冊府
閒看帶草長
芸窗征南註左甘
稱癖圯上傳書氣未降

壯爾百城真坐擁
鄴侯如鄩不成邦

千峰選勝著西京
詎許頑仙廁會盟
白芷青蘭時照眼
烏絲翠袖不勝情
訓恩故有雙龍在
徵事堪令半豹驚
見說邊烽勞仄席
肯容定遠又書生

題王叔明野艇觀書圖

明
吳寬

泊舟野水際不作水嬉謀
舟中載書卷隱志於焉求
坐處書在手卧時書枕頭
何須有酒飲始足銷吾憂
日暮漁翁返臨溪
勸少留還乘明月出
同向太湖遊

閱書圖

明丘濬

端居閱古編雅服稱暖儒清晨掩關誦乙夜猶吟吾靜
觀天人妙遠泝洪荒初匪徒掇其英亦以味道腴繼世
有賢嗣一日五行俱父積子能讀因之見餘慶

閱書者倚老樹

明徐渭

爾自作蠹魚我不閱一字逢著好樹根抱著枕頭睡

隨月圖

明高啓

空齋無短檠愁度新涼夜青天素娥出餘輝獨堪借達

曙願徘徊莫逐秋河下

映雪圖

明高啓

簷雪不能埽留映寒牕白書字細如蠅坐看還厯厯華
燈照歌帳誰似南鄰客

課讀圖

明張邦奇

白日扃重門書聲徹林木先生謝政早歸田手把經書
課兒讀君不見陳太丘但貽穀世世朱輪與華轂

題吳門趙時俊山樓文會圖

明陳顯

樓居百尺謝囂塵良會攀躋屬隱君望處有山皆入畫
坐中無客不能文一簾花氣香春酒半榻茶煙暝夕曛
自是高懷尚清事風流不羨醉紅裙

荆浩秋山問奇圖

元 鄧文原

木落千林秋氣新虛亭寂寂不生塵悠然危坐草玄者
不負山橋問字人

荆浩秋山問奇圖

元 吳 鎮

霜落林端萬壑幽白雲紅葉入溪流朝來尚有尋真至

共向山亭領素秋

春山詩意圖

金趙秉文

何年身入畫圖傳似是三生孟浩然詩句工夫驢背上
醉鄉田地酒旗邊一川芳草綠堪染夾路杏花紅欲然
想見歸來泥樣醉却如蘸水柳三眠

題草亭詩意圖

元吳鎮

依邨構草亭端方意匠宏林深禽鳥樂塵遠竹松清泉
石俱延賞琴書悅性情何當謝凡近任適慰平生

題詩意圖

元陶宗儀

杖藜訪友趣蕭閒採藥山中待未還
流水石橋松影合溪童指點亂雲間

詩思圖

明解縉

昨日孤山雪後過猶憐鶴伴費吟哦
即今人在青天上
一鶴相隨亦厭多

題王維詩意圖

明李東陽

平田渺成湖仲夏月多雨汀鷺濕不飛
林鶯澀還語邨

煙多乞鄰餽餉常及午柴門無鎖鑰出入隨杖屨白鷗
似相識亦足忘爾汝王丞詩家流畫格亦天與君看百
代遺摹搨尚如許吾生慕丘壑偶此繫冠組試問松下
翁幾人同出處

題李平夫畫黃山蹇驢詩圖

二首金

趙秉文

浮光林杪水參差意想先生得句時千古黃山山下路
蹇驢不是少人騎

三十年前濟水東詩中曾識蹇驢翁如今畫出推敲勢

却恐相逢似夢中

李咸熙秋溪清詠圖

元黃公望

萬壑千巖擁翠螺人家處處掩松蘿
溪頭靜坐者誰子賦就新詩擬伐柯

題秋雨長吟圖

元楊載

雨暗秋天黑如墨窮居茅屋出不得
終日長吟復短吟吟罷令人轉悽惻
飢猿抱樹屈雙肘病鶴拖泥垂兩翼
何當策杖過溪頭要看南山青翠色

題吳生雨吟圖

元 范梈

江雨四時昏故人家遠邨如何一見面還又兩忘言老
樹經蛟淚空花斷鴈魂由來前日畫妙手出吳門

題山堂會琴圖

二首

元 王惲

靜夜山堂萬籟沉抱琴來寫古人心箇中真趣知誰會
門外松風是賞音

聖賢思治先琴事子賤為邦舜阜民莫訝松軒來會數
要從心指起經綸

跋運使張君會琴圖

元 王 惲

雪徑尋無路東林素有期
琴絲凍欲折風袖曉還披
偉觀疑韓愈幽林付潁師
無由陪杖屨只悟畫中詩

山亭會琴圖

元 余 闕

連山環絕壑雲木亂紛披
中有抱琴者有如榮啓期
蕭然人不去問子欲何為

手指樺皮彈琴圖

金 趙秉文

何人聊幻巧袖裏見毫端
道眼無二見心齊廢六官
煩

君無耳聽寓我非指彈攬却伯牙手秋風萬籟寒

智仲可月下彈琴圖

元 元好問

莫春舞雩鼓瑟希琴語解吐胸中奇誰言手揮七絃易
大笑虎頭真絕癡北風蕭蕭路何永流波湯湯君自知
三尺絲桐儘堪老兒童休訝鶴書遲

道士彈琴圖

元 馬祖常

龍門千尺高桐樹天上移來石上栽斲得春雷鳴玉澗
青鸞黃鵠一時回

彈琴高士圖

明 楊基

江靜月在水山空秋滿亭自彈還自罷初不要人聽

題馬遠山月彈琴圖

明 王世貞

與君試彈三兩絃中有流水仍高山與君試聽山與水
恍若泠泠合宮徵試問此聲當屬誰道人指爪如金錐
劃然一鳴天地白初月何情為誰色丹清譜出無聲琴
却借青眼成知音聲空色空人已矣彼圖我歌皆幻耳

鼓琴圖

明 劉泰

不向王門作從伶獨橫焦尾作雲汀鍾期老去知音少
彈與秋江白鷺聽

題操琴圖

明丘濬

幽人事嘉遯開軒對陽明興來拂瑤軫暢我平生情心
中有真趣指下無繁聲上絃叶風薰下絃諧鳳鳴坐覺
胷襟開塵滓頓以清紛紛濁世中入耳皆瑟箏何當謝
塵務枕流階下聽

玉堂鳴琴圖

明謝承譽

午夜奎光滿木天文華燿燿應才賢宮籤次第聯齋席
御帙分張近講筵帝本無為封事少士真有幸寵恩偏
紫薇花下風簾靜為續南薰補舜絃

題攜琴訪友圖

明 高 啓

孤騎復孤琴披嵐入澗陰遠尋君莫訝城市少知音

攜琴訪友圖

明 謝 常

秋林紅葉晚蕭蕭乘興攜琴過野橋人在翠微尋不見
白雲如練束山腰

攜琴圖

明
陳憲章

松崖日暮水聲深
何處攜來綠綺琴
礪石隔林人不見
只疑罔兩是知音

題松下攜琴圖

明
張邦奇

碧山悠悠高插天
盡日松風鼓天籟
造物以我為知音
許我山中獨行邁
我亦攜琴欲和之
此心已寄浮塵外
聾俗繁音恐不聞
天地無聲亦應解

題戴進山水抱琴圖歌

明
瞿汝稷

嗚呼清角不復見玄鶴已去悲風呼裨海齊州一反掌
乾坤莽莽知音孤曲高節疏苦欲睡白首人間空見圖
就之忽驚雲木動濡筆欲下還躊躇千巖崢嶸萬窟趨
松檜漠漠煙巒殊前有豕廩後虎羆琅玕翡翠紛在眼
石亭仄映山之隅中有高士牙與期縞衣黃冠七尺軀
修眉朗照秋水珠氣和貌古合禮法一仰一俯宮商俱
細看聞聲更見意似神似非驚復吁逆流千片指下墮
鳳凰忽叫將其雛嗟我有琴太古調抱之不肯向人操

幽蘭無聲白雲靜畫圖雖在誰知省東陽可賣死不哀
和者既稀歸去來

聽琴圖

為周易題

元 劉永之

韋帶筠冠白氎衣龍脣鶴足軫文犀試看十指風泉繞
曲裏時聞烏夜啼

聽琴圖

元 楊維禎

夷猶夷猶夷且愉滿堂哄耳洗箏竿遊絲著地隨復起
秋水涵珠有若無華屋月微春語燕荒城月落夜啼烏

倩君莫鼓荆卿操自是秦姬善轆轤

聽琴圖

元張雨

裊煙石壁對孤桐與和長松瑟瑟風不為野夫清兩耳
為君留目送飛鴻

聽琴圖

元周鼎

耳聽不如心聰聰欲於絃上見飛鴻鐵崖仙子神遊遠
寫得無聲在有中

題聽琴圖

明唐錦

紙窗露濕金徽冷何處轆轤響銀井須臾松風拂座來
夜烏啼碎梅花影柴扉寂寂春自遲流水高山入夢思
賞音無地尋知己欲買黃金鑄子期

題梅琴圖

明 廖道南

江梅細細江雲深美人何處鳴瑤琴清風滿林明月上
萬山空谷鈞天音

鳴琴召鶴圖

宋 賀鑄

結茅百尺荒臺杖藜一徑莓苔謝絕雞羣老鶴不應端

為琴來

吳道子秋山放鶴圖次趙松雪韻

元 吳 鎮

秋雲如練鎖千山樓閣重重水自潏鎮日溪橋無俗侶
杖藜扶鶴是高閒

馬遠放鶴圖

元 吳 鎮

載鶴輕舟湖上歸重重樓閣鎖煙霏仙家正在幽深處
竹裏雞聲半掩扉

倦書圖

六朝人愛倦書圖唐閣令喜
而臨之妙在約畧濃淡之間

元 惲

玉堂昨夜醉厭厭
攔筆慵書見未歡
似待指端餘力散
卧看花影轉疎簾

翰長閑閑公命題城南訪道圖戲作二首且為解之云

金 王若虛

得道由來不必勞
癡兒舍父謾逋逃
閑閑老子還多事
時向招提打一遭


竹木蕭森蔭綠苔
幽襟自愛北軒開
主人無說吾何問

乘興而來興盡迴

董源山閣談禪圖

元 吳鎮

山閣深沉樹影涼
瀑流飛沫濺匡牀
多君相對坐終日
話到無生味更長



御定歷代題畫詩類卷四十八

欽定四庫全書

集部

御定歷代題畫詩類卷四
至
辛二

詳校官刑部侍郎臣李紱

主事銜臣徐以坤覆勘

總校官降調編修臣倉聖脉

校對官編修臣吳錫麒

謄錄監生臣黃恆謙

欽定四庫全書

御定歷代題畫詩類卷四十九目錄

閒適類

破窗風雨圖

元王立中

破窗風雨圖

元錢惟善

破窗風雨圖

明牛諒

題破窗風雨圖

明江漢

破窗風雨圖

明趙俶

破窗風雨圖

明錢岳

破窗風雨圖

明張端

破窗風雨圖

明鍾虞

破窗風雨圖

明何恒

破窗風雨圖

明張附鳳

破窗風雨圖

明杭琪

破窗風雨圖

明董存

破窗風雨圖

明馮恕

破窗風雨圖

明雅安

黃荃花谿仙舫圖

元黃公望

煙波晚櫂圖

元陳秀民

題宣和風雨孤舟圖

元許有壬

題王維賢所藏盛子昭畫雙松繫舟圖

元成廷珪

竹下泊舟圖

元吳鎮

題泛舟圖

元陳旅

野浦歸舟圖

元貢師泰

題煙波泛舟圖

明劉基

清溪泛槎圖

明劉泰

題高人泛舟圖

明劉崧

題王師文半篷春雪圖

元貢性之

次韓明善題推篷圖

元岑安卿

雪篷圖詩

明蕭規

題推篷圖詩

明顧愷

題推篷圖

明謝矩

秋風濯足圖

元郭翼

題顧道周畫濯足圖

元潘純

清溪濯足圖

元張翥

高卧圖

元劉因

北窗高卧圖

明張邦奇

題李鳴鳳卧遊圖

明林文瓚

觀王叔明所畫松下弈棋圖

明顧祿

題馬遠竹溪吟弄圖

元陶宗儀

題趙千里臨李思訓煎茶圖 元于立

東京茶會圖 元郊韶

煮茶圖 元袁桷

茅齋煮泉圖 明王紱

賦煮茶圖 明顧璘

題李敬夫鶴亭鬪茶圖 明盧昭

題唐伯虎烹茶圖 明王穉登三首

題煮雪卷 明林景清

醉鄉圖

宋陳子高七首

醉臥海棠圖歌贈陸務觀

宋楊萬里

跋酒門限邵和卿醉歸圖

元元好問

江亭會飲圖

元元好問

跋松風醉歸圖

元王惲二首

題攜壺圖

元馬祖常

題醉歌圖

元黃晉

題醉臥圖

元于文

金文鼎秋林醉歸圖

明劉溥

題崔元初醉翁圖

明張以寧

醉中題醉人圖

明徐學謨

題顧中丞載酒亭圖

明嚴嵩二首

題滄浪醉眠圖

明僧妙聲

題扁舟醉眠圖

明僧宗衍

江船一老看鴈羣初起

明徐渭

似赤壁遊

明徐渭

[illegible]

欽定四庫全書

御定歷代題畫詩類
卷四十九目錄

御定歷代題畫詩類卷四十九目錄

欽定四庫全書

御定歷代題畫詩類卷四十九

閒適類

破窗風雨圖

元
王立中

紙窗風破雨泠泠十載山中對短檠
老矣江湖歸未遂
畫間如聽讀書聲

破牕風雨圖

元
錢惟善

一燈風雨寒牕破讀書不知秋
怒號恍如扁舟在江海

但覺四壁皆波濤對牀高卧無此客倚劒長歌空二毛
曉看庭樹故無恙千峰雲氣落青袍

破牕風雨圖

明
牛諒

風雨東南接漏天客牕吹破碧紗煙十年世事關心曲
一片秋聲到枕前花落不妨尊有酒客來未覺坐無氊
老子曾覓蘇端隱藜杖春泥綠水邊

題破牕風雨圖

明
江漢

若有人兮青雲衣佩玉玦兮光陸離爰處兮爰居左琴

劒兮右圖書輕富貴兮浮雲保厥美兮天真山房兮寥
落天冥冥兮雲漠漠雨瀟瀟兮風夜作心耿耿兮不寐
紛遑遑兮求索彼薄夫兮貪婪惟聲色兮是耽文繡兮
膏粱蓀何為兮懷慙秋蘭兮可紉吾所思兮古人寒絮
兮雪案甘與君兮相親

破牕風雨圖

明趙倣

客窗讀書夜過半江上長風將雨來茅屋身如木葉落
竹牀笑對燈花開何人雞鳴解起舞此時蝶夢付銜杯

我欲哦詩慰寥寂
簾笠敲門步綠苔

破牕風雨圖

明 錢 岳

敬亭山色讀書菴
破紙窗寒儘自堪
但怪蛟龍嘶匣底
不知風雨暗江南
雲橫黑海秋帆斷
花落彤樓曉夢酣
五色石崩天頂漏
須君手脫巨鼇鑽

破窗風雨圖

明 張 端

伊人抱負亦云奇
明晦由來動合宜
為客情懷能樂處
破窗風雨讀書時
漂流江漢嗟誰識
傳舍乾坤信獨知

光霽自天須有待眼前生物總熙熙

破窗風雨圖

明鍾虞

一室蕭然誰與同清如獨鶴寄樊籠詩成春草池塘上
夢繞玉堂雲霧中花氣總從嵐氣入書聲時與竹聲通從
容更覓新晴好卧看東林日影紅

破牕風雨圖

明何恒

一室蕭然四壁空客懷况復雨兼風濕沾衣服愁仍重
清到肌膚句轉工知命肯隨時變化甘貧寧為道汙隆

夜深尚對義皇易應怪寒燈不耐紅

破牕風雨圖

明張附鳳

網戶羅蛛絲瓊瓏見秋月如何夜來雨隨人送蕭屑幽
疑石溜泉散作瓦鳴雪起舞聽晨雞寒燈淡將滅誰知
綺牕人笙歌曙方歇

破窗風雨圖

明杭琪

黑雲壓郊苑屋摧大風拔木勢危哉破壁驚雷從地起
長淮飛雨渡江來拍戶打牕聲作惡斂襟孤坐意徘徊

雨餘蘭雪渾無恙，吹倒琅玕挽不回。

破窗風雨圖

明董存

風雨茅齋倚破牕，夜深明滅照書釭。平生苦志能如此，
何處清貧更有雙。衰鬢蕭條知己晚，壯心牢落為君降。
金蓮送直歸青瑣，筆力還教鼎可扛。

破牕風雨圖

明馮恕

憶昔山牕夜讀時，西風吹雨濕淋漓。篝燈不定門頻掩，
屋漏無端榻屢移。白髮夢回仍墮淚，綺疏聽後尚顰眉。

此聲為寄春樓客莫問杏花開幾枝

破牕風雨圖

明雅安

銅壺公子貂裘敝鐵硯磨穿志不迂
落落軒牕寒若此蕭蕭風雨夜何如
夢回燈火清秋際心在羲皇太古初
窮達有時聊用拙壁間知己是圖書

黃荃花谿仙舫圖

元黃公望

花發枝頭水漲溪仙舟猶泊武陵隄
重重樓閣仙雲卷無數青峰出竹西

煙波晚櫂圖

元 陳秀民

東林待月月未出
長江走煙波著天
青山回首不可數
幾點白鷗飛過船

題宣和風雨孤舟圖

元 許有壬

龍樓嫌富麗著意貌荒寒
煙雨迷千樹風波恃一竿
時移毫素在身老塞垣難翫物
昭前訓誰將進縣官

題王維賢所藏盛子昭畫雙松繫舟圖

元 成廷珪

雲門寺前風物幽布韉青鞵吾昔遊
葫蘆盛酒待明月
舴艋載琴當上流
長松並立幾千尺
狂客一別三十秋
何當挂席過湖去
東望草堂姑少留

竹下泊舟圖

元 吳 鎮

涓涓多近水拂拂欲

一作最

宜山吁嗟此君子何地不容

閒

題泛舟圖

元 陳 旅

江雲生白石
水木澹幽姿
雙松出叢薄
翠色集遙枝
落

日明極浦楚岫正參差美人鼓蘭桹歲晏將何之

野浦歸舟圖

元貢師泰

天柱雲門倚半峰樹林青處見丹楓扁舟獨釣秋江雪
猶似閒身在越中

題煙波泛舟圖

明劉基

舊遊憶鼓湘湖櫂日淨風微江練平小艇曲穿花底出
遊魚相伴鏡中行別來漫想心徒切畫裏重看眼亦明
素石蒼松是何處願從巢父濯冠纓

清溪放櫂圖

明 劉泰

溶溶新水碧於苔風靜菱花幾箇開小艇不知何處客
載將秋色過溪來

題高人泛舟圖

為鐵柱左
鍊師賦

明 劉崧

刺篙渡迴渚解帶會微風仰視青天高浩歌秋水中滄
江渺空碧嘉樹發霜紅玄境有至樂伊人若鳬翁遐思
青玉佩應過紫霞宮

題王師文半篷春雪圖

元 貢性之

香是臨流得詩因倚櫂成岸移驚樹轉牆礙覺枝橫似
隔僧廬見如緣閣道行傍人歌斷處疎影月三更

次韓明善題推蓬圖

元岑安卿

青松陰陰間修竹六月脩然破炎溽梅花一味只宜冬
江上孤舟水邊屋筆端春信迴孤根鮫綃淺抹玄霜痕
江南煙雨正愁絕一枝喚醒羅浮魂無聲詩生有聲畫
吟咏工夫見揮灑坡翁仙去二百春夢繞松風古亭下茲
花清致誰堪當孤山題品淵源長推蓬細認心淒涼鼻

端彷彿聞天香

雪蓬圖詩

為吳淞蔡子堅作

明
蕭規

吳榜何年過東浙帶得山陰一蓬雪春風浩浩吹不消
夜月娟娟照偏潔雪蓬主人且好奇載客日遊隨所之
呼酒恒持金鑿落對花每品玉參差咿啞柔櫓度湖曲
驚起鴛鴦不成宿汎汎斜當瓊樹移搖搖直傍銀槎闕一
字
權歌齊發聲抑揚高情獨愛水雲鄉從遊酬酢誰最
密儒雅人稱馬季常

題推篷圖

明 顧 慤

記得當年訪老逋
扁舟載雪過西湖
香浮水面涵清淺
影落篷牕半有無
玉樹忽驚春漏泄
冰花相照月模糊
誰將一段真消息
收拾歸來作畫圖

題推篷圖

明 謝 矩

扁舟曾記酌西湖
笑倚東風醉莫扶
酒醒不知天已暮
梅花枝上月輪孤

秋風濯足圖

元 郭 翼

荊棘銅駝陌桑田碧波秋風歌濯足歸去白雲多

題顧道周畫濯足圖

元 潘 純

脫屣白石上濯足清泉中悠然天際想木末生微風

清溪濯足圖

元 張 翥

黃塵滿雙足宜賦故山歸解屨就清江舉頭看翠微林
猿下窺膝石蘚欲粘衣更覓漁竿伴閒來就釣磯

高卧圖

元 劉 因

萬里青山卧平地世間何物是元龍無人說與劉玄德

君在青山第幾重

北窻高卧圖

明 張邦奇

參餘蓮社枕孤琴
免作人間苦熱吟
不是翁家無六月
日移松影北牕陰

題李鳴鳳卧遊圖

明 林文瓚

大塊微茫何處安
彩毫移入座中看
春風不管鶯花老
夜月常懸湖海寬
對客半圖天萬里
遊仙一枕日三竿
夢餘偶欲消殘酒
便指雲間金露盤

觀王叔明所畫松下奕碁圖

明 顧 祿

十日一水五日山王侯妙筆無荆闢山如蒼龍騰入霄
漢表水似白虹瀉出溪潭間長松直下有巨石風雨剥
落莓苔斑兩翁對奕盤礴坐其上笑語自若終日無愁
顏飢來豈待事煙火瑤草紫芝俱可餐不知何年修習
到此地知有神仙境界無人寰我今讀書三十載抗塵
走俗猶未閒問翁不語愈覺心自慙高風逸韻邈矣終
難攀安得翁能示神異授以九轉入爐丹圖中之景果

然真有不欲御風一去何須還

題馬遠竹溪吟奕圖

元 陶宗儀

好詩應向過橋成逸興還從對局爭此日山林無一事
竹香細細晚風清

題趙千里臨李思訓煎茶圖

元 于立

山風吹斷煮茶煙竹外誰驚白鶴眠寫盡淮南招隱曲
松花籬落石牀前

東京茶會圖

元 郊 韶

二月東都花正開
千門春色照樓臺
遊人勝賞不歸去
齊候分茶擔子來

煮茶圖

元 袁桷

石牕山樵晉公子
獨鶴蕭蕭煙竹裏
月湖一頃碧琉璃
高築虛堂水中沚
堂深六月生涼秋
萬柄風搖紅旖旎
道南更有山澤居
四面晴峰插天倚
憶昔王門豪盛時
甲族丁黃總朱紫
曉趨黃閣袖香煙
俯首脂韋希雋美
一官遠去長安門
德色欣欣對妻子
豈知高懷脫榮辱

妙出清言洗紉綺郡符一試不挂意岸幘看雲卧林墅
平生嗜茗茗有癖古井汲泉和石髓風回翠碾落晴花
湯響雲鏑滾珠蕊齒寒意冷復三咽萬事無言歸坎止
何人丹青悟天巧落筆微茫析妙理黃梁初炊夢未古
舊事淒零誰復紀展圖縹渺憶遺蹤玉佩珊珊響秋水
茅齋煮泉圖

明
王 紱

小結茅齋四五椽蕭蕭竹樹帶秋煙呼童掃取空階葉
好煮山廚第二泉

賦煮茶圖

明 顧璘

朱門酒肉如山海沈湎徒令性靈改松關宴坐真天人
朗如玉樹生華采澗阿霽雪新泉清風吹石鼎茶煙橫
悠然對語白日晚俯聽萬井蒼蠅聲

題李敬夫鶴亭鬪茶圖

明 盧昭

花陰小隊鬪龍章渠盃香分第二湯莫傍酪奴風味好
內廚催送大官羊

題唐伯虎烹茶圖

為喻正之
太守三首

明 王穉登

太守風流嗜酪奴行春常帶煮茶圖
圖中傲吏依稀似
紗帽籠頭對竹爐

靈源洞口採旗槍五馬來乘穀雨嘗
從此端明茶譜上
又添新品綠雲香

伏龍十里盡香風正近吾家別墅東
他日干旄能見訪
休將水厄笑王濛

題煮雪卷

明林景清

玄冥凜冽風氣剛同雲蔽野天無光
漫空柳絮亂飛舞

大地一色瓊瑤妝先生矍然坐茅屋左有圖書右筆牀
竹爐石鼎燒楮枲須臾取雪烹成湯武夷游子多相識
龍牙雀舌隨意將陶家近可說風味党尉不必誇羔羊
一啜能令睡魔足再啜齒頰生餘香三啜搜枯句已就
澹然意趣偏悠長翻憶天廚大嚼者經年尸素何所償
安得相從語清絕一洗紛紛腥穢腸

醉鄉圖

七首

宋陳子高

醉鄉天地誰開闢光景冲和古到今明月清風一長嘯

杯中時見昔人心

昔人愛酒復能詩阮籍陶潛蓋有之共道尚書兼此興
超然異代忽同時

斗酒百篇元祐初當時流輩已蕭疎閉門日飲身強健
得見升平總不如

子房帷幄贊神謀晚歲疏封自占留代邸勲勞今絕口
上恩仍與醉鄉侯

脫鞵神氣迴飄飄平日千鍾奉帝堯老子浮沉人不識

酒壚爭席奈漁樵

老瓦盆中旋醖醕陶然樂聖且銜杯只今痛飲誰能那
寶器恩從天上來

黃金細字勒杯巡魚水恩私晚更親但得賜田堪種秫
向來浮議不關身

醉卧海棠圖歌贈陸務觀

宋 楊萬里

帝城二三月海棠一萬株向來青女拉滕六戲與一撼
即日枯東皇夜遣司花女手接紅藍滴清露染成片片

淨練酥亂點梢梢酣日樹蓬萊仙人約老翁寄牋招喚
陸龜蒙為花一醉也不惜就中一事最奇特海棠兩岸
繡帷裳是間橫著雙胡牀龜蒙踞牀忽倒卧烏紗自落非
風墮落花滿面雪霏霏起來索筆手如飛卧來起來都是
韻是醉是醒君莫問好箇海棠花下醉卧圖如今畫手
誰姓具

跋酒門限邵和卿醉歸圖

元
元好問

邵公頭白甫三十高吟大醉無虛日風流略似靖南湖

每恨聞名不相識太平村落自繇身童稚扶攜意更真
醉歸圖上見顏色喜溢眉宇猶津津好著蹇驢馱我去
與君同醉杏園春

江亭會飲圖

元
元好問

瓦盆濁酒憶同傾鄉社豐年有笑聲
世外華胥誰復夢且從圖畫看升平

跋松風醉歸圖

二首

元
王惲

不向東華踏軟紅夢歸丘壑灑松風
夜深健倒山間石

吹萬從渠總不同

危行危言到兩難
炎涼時事旋相看
放教兩耳秋風裏
待與髯龍約歲寒

題攜壺圖

元馬祖常

席帽遮頭過野橋
詩筒酒榼亦蕭蕭
黔婁吟罷還消渴
欲問先生借一瓢

題醉歌圖

元黃潛

翰林主人天上來
布颿不為鱸魚開
江湖渺渺天一色

朝光暮靄相徘徊昔賢心賞餘勝處但有水竹無亭臺
碑材久已沒荆棘履齒不復留莓苔後來視今猶視昔
今我不樂何為哉大官馬潼遠莫致鄰翁綠蟻浮新醅
欣然一飲便終夕鼻端氣息如雲雷是間別有一天地
不知何處為蓬萊迴觀方內海一粟醯雞塵甕何喧豗黃
冠祕監太狂態騎鯨供奉非仙才揮毫政要真學士鋒
車流水行相催瑤池曲宴多雨露歸歟酌彼黃金壘

題醉卧圖

元
于立

君莫學伯夷不肯食周粟君莫學屈原死葬江魚腹人
生富貴無百年身後聲名亦漫傳朝廷縱有賢良詔得
似先生醉後眠

金文鼎秋林醉歸圖

為沙溪陳元錫賦

明 劉 溥

霜華灑紅樹頭葉白雲掩映山重疊黃犍馱醉出西莊
童僕扶持穩如楫此時陶然那復知世塗奚較險與夷
眼中萬物一何有只有松風吹接離疎林斜光漏殘照
酡顏霞影爭輝耀深山閒靜不逢人豈有襄陽小兒笑

柴門向晚猶未闕山妻煮茶方候還人能出飲醉即返
千里龍媒應是閒

題崔元初醉翁圖

明 張以寧

春雲石上蒼苔冷芭蕉風動綸巾影仙翁醉著人自扶
花落花開幾時醒

醉中題醉人圖

明 徐學謨

我從燕山望京闕五陵豪客傷離別相逢不飲君奈何
甕潑葡萄色如血須臾吸盡三百壺西陵之日驅金烏

眼中誰是高陽徒醉來忽見醉人圖圖中之人誰最醉
美而鬢者皆如淚翻身跳浪招且號夜半山精引羣魅
東隅之叟頽不禁擁壚鼻作蒼蠅啗夢中舒拳賭六博
猶呼一擲千黃金蹲者陰崖伏餒虎走者風舳蕩小櫓
何人仰面獅作吼何人歌咽水升岸何人露頂髮不梳
咄誰持酒澆其顱何人掉臂揮大斗一漉沾脣苦於荼
謾道真珠兼琥珀翠屏錦褥聲喀喀流涎殘沫迸地走
珊瑚鋪滿金吾宅衆中飲者誰最多褰衣之客傾江河

恰如廉頗老善飯眼看醉者皆么麼么麼纍纍何足較或
鼓或泣或大嘯玉山自在誰能推欲上青天挽雙曜劉
伶畢卓俱塵埃幕天席地安在哉今宵不聞婦人語明
日看花我復來

題顧中丞載酒亭圖

二首

明嚴嵩

紫芝題墨千年勝圖向衡山賞更新萬壑雲松一茅屋
就中疑是草玄人

松塢高眠深閉闕清詞白雪落人間我欲相從迷所適

却隨芳草到春山

題滄浪醉眠圖

明僧妙聲

汙汙此河水水渾不見底水渾猶自可水深將沒汝舟
楫無根柢風波無時休不如高堂上飲酒可忘憂

題扁舟醉眠圖

明僧宗衍

江水蕭蕭江岸風泊舟不歸何處翁鼃鼃出沒浪如此
爾尚醉遊春夢中空山雲深白日靜松聲如濤屋如艇
歸來歸來母久留不歸恐君將覆舟

江船一老看鴈羣初起

明徐渭

警鴈避羅舠江長起未高眼擠一晌後看到入雲梢

似赤壁遊

明徐渭

一艇泛三人多疑遊赤壁無處少江山但無此好客

御定歷代題畫詩類卷四十九